



18
6948

Broj: 06-11-1329/22-4 Lot 4
Ilidža, 05.04.2022.godine

Na osnovu člana 70.Zakona o javnim nabavkama Bosne i Hercegovine i člana 32. stav (5) tačka b) Zakona o javnim nabavkama («Službeni glasnik BiH» broj 39/14) te preporuke Komisije za javne nabavke, donosi se

ODLUKA O IZBORU PONUĐAČA ZA JAVNU NABAVKU BROJ 33/22-Lot 4

I

Dodjeljuje se Okvirni sporazum za **JN 33/22** Usluge nadzora nad realizacijom projekata (izvođenjem radova) za potrebe Općine Ilidža, **Lot 4 Usluge stručnog nadzora nad izvođenjem radova iz oblasti saobraćajnih projekata**, sljedećim ponuđačima:

1. RADIS doo, Jovana Dučića 16, Istočno Sarajevo
2. Institut za građevinarstvo „IG“ doo, Kralja Petra I Karađorđevića 92-98 Banja Luka,

II

Ponuđači iz tačke I ove Odluke, obavezni su u roku od 5 dana od dana prijema ove odluke ugovornom organu dostaviti uvjerenja iz člana 45. stav (2) tačka a), b) c), i d), Zakona o Javnim nabavkama Bosne i Hercegovine i dokumente (original ili ovjerena kopija) iz tačke 10.3.1 pod a) i b) tenderske dokumentacije.

III

Po pravosnažnosti ove odluke, ugovorni organ će pozvati izabrane ponuđače radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji.

Obrazloženje

Na osnovu odluke o pokretanju postupka broj 04-11-1329/22-1 i obavještenja o nabavci broj 888-1-2-78-3-42/22, objavljeno dana 08.03.2022.godine, pokrenut je otvoreni postupak nabavke za **JN 33/22** Usluge nadzora nad realizacijom projekata (izvođenjem radova) za potrebe Općine Ilidža, **Lot 4 Usluge stručnog nadzora nad izvođenjem radova iz oblasti saobraćajnih projekata**. U tenderskoj dokumentaciji je predviđeno da će se za izabranim ponuđačima zaključiti okvirni sporazum iz člana član 32. stav (5) alineja b) Zakona o javnim nabavkama. Ponude su blagovremeno dostavili CONSTRUCT PROJEKT doo, RADIS doo i Institut za građevinarstvo IG doo.

Analizom ponuda Komisija za javne nabvake je utvrdila da ponuda CONSTRUCT PROJEKT doo, Husein Kapetana Gradaševića bb, Zavidovići, se odbacuje jer ponuđač nije dostavio dokaz da u stalnom radnom odnosu ima zaposlenog inženjera saobraćajne struke a što je traženo tačkom 10.4. 1 b) Tenderske dokumentacije. Iz dostavljene dokumentacije za lice koje je ponuđač naveo kao inženjera je utvrđeno da se radi o inženjeru građevinske struke, koji ima položen stručni ispit građevinske struke smjer niskogradnja odsjek niskogradnja i položen stručni ispit građevinske struke smjer niskogradnja odsjek hidrotehnički. Kako ponuđač nije dokazao da u stalnom radnom odnosu ima zaposlenog inženjera saobraćajne struke, njegova ponuda je ocijenjena kao neprihvatljiva. Svi ostali ponuđači su ispunili uslove iz tenderske dokumentacije odnosno svi su dostavili tražene dokaze



Imajući u vidu navedeno Komisija je predložila Općinskom načelniku donošenje odluke o dodjeli okvirnog sporazuma za **Lot 4 Usluge stručnog nadzora nad izvođenjem radova iz oblasti saobraćajnih projekata**, ponuđačima navedenim u dispozitivu ove odluke.
Na osnovu navedenog odlučeno je kao u dispozitivu.

POUKA O PRAVNOM LIJEKU

Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se ulaže ugovornom organu u pisanoj formi direktno, ili preporučenom poštanskom pošiljkom. Žalba se podnosi u tri primjeraka/

IOPĆINSKI NAČELNIK

Nermin Muzur, magistar uprave

DOSTAVLJENO:

1. Ponuđačima
2. Služba za finansije
3. Stručna služba-Kabinet Općinskog načelnika
4. Služba za razvoj, komunalne poslove i puteve
5. Služba za zajedničke poslove (za objavu na WEB)
6. a/a